

- (5) Уколико је постојећи снабдјевач поднио захтјев за обуставу испоруке електричне енергије прије захтјева о промјени снабдјевача, надлежни оператор система не може одобрити захтјев за промјену снабдјевача и у том случају надлежни оператор система обавјештава новог снабдјевача и крајњег купца да нису створени услови за промјену снабдјевача.
- (6) Уколико постојећи снабдјевач у року наведеном у ставу (3) овог члана не уложи приговор на промјену снабдјевача, надлежни оператор система је дужан да настави поступак и у року од пет дана од дана издавања потврде о усклађености у поступку промјене снабдјевача, да осигура мјерне податке за обрачунско мјерно мјесто крајњег купца.
- (7) Уколико постојећи снабдјевач у року наведеном у ставу (3) овог члана уложи приговор на промјену снабдјевача, надлежни оператор система је дужан да обустави поступак промјене снабдјевача до разрешења поднесеног приговора.

### ДИО ТРЕЋИ – ПОСТУПАК ПРЕЛАСКА КОД РЕЗЕРВНОГ СНАБДЈЕВАЧА, ОБАВЕЗЕ И РОКОВИ

#### Члан 7.

(Обавеза постојећег снабдјевача)

Постојећи снабдјевач има обавезу без одгађања да обавијести крајње купце, надлежног оператора система, резервног снабдјевача и ФЕРК о настанку околности, због којих неће бити у могућности снабдијевати крајње купце, а услјед којих крајњи купци имају право на резервно снабдијевање у складу са Законом.

#### Члан 8.

(Резервни снабдјевач у случају банкрота, стечајног поступка или ликвидације)

- (1) У случају банкрота, стечајног поступка или ликвидације постојећег снабдјевача, надлежни оператор система је обавезан да очита мјерне податке на дан ступања банкрота, стечаја или ликвидације и достави их крајњем купцу, постојећем и резервном снабдјевачу.
- (2) Дан читања мјерних података сматра се и даном промјене снабдјевача.

#### Члан 9.

(Резервни снабдјевач у случају престанка, поништења или одузимања дозволе постојећем снабдјевачу)

- (1) У случају престанка важења дозволе, поништења или одузимања дозволе постојећем снабдјевачу ФЕРК о томе обавјештава надлежног оператора система и резервног снабдјевача, а надлежни оператор система без одгађања о томе обавјештава крајње купце.
- (2) ФЕРК обавјештење из става (1) овог члана у случају престанка важења дозволе, упућује 15 дана прије престанка важења дозволе, а у случају поништења или одузимања дозволе најкасније пет дана прије одржавања сједнице на којој ће се разматрати поништење или одузимање дозволе снабдјевачу.
- (3) Дан престанка важења дозволе, односно дан доношења рјешења ФЕРК-а о поништењу или одузимању дозволе сматра се даном промјене снабдјевача.
- (4) Надлежни оператор система је на дан из става (3) овог члана, обавезан да очита мјерне податке и достави их крајњем купцу, постојећем и резервном снабдјевачу.

#### Члан 10.

(Резервни снабдјевач у случају закључења уговора између крајњег купца и снабдјевача или једностраног раскида уговора од снабдјевача)

- (1) У случају да крајњи купац није закључио уговор са снабдјевачем или је снабдјевач једнострано раскинуо уговор о снабдијевању крајњем купцу, а не ради се престанку претходног уговора као посљедици неизвршавања обавезе плаћања од крајњег купца, резервни снабдјевач закључује са крајњим купцем уговор о снабдијевању електричном енергијом, који се примјењује од дана промјене снабдјевача.
- (2) О закључењу уговора из става (1) овог члана, резервни снабдјевач обавјештава без одгађања надлежног оператора система.
- (3) Наредни дан од дана престанка постојећег уговора о снабдијевању електричном енергијом, сматра се даном промјене снабдјевача.
- (4) Даном промјене снабдјевача надлежни оператор система је обавезан да очита мјерне податке и достави их крајњем купцу, постојећем снабдјевачу и резервном снабдјевачу.

### ДИО ЧЕТВРТИ – ПРЕЛАЗНЕ И ЗАВРШНЕ ОДРЕДБЕ

#### Члан 11.

(Престанак важења одредби Правилника о снабдијевању квалификованих купаца електричном енергијом и поступку промјене снабдјевача – Прочишћени текст)

Ступањем на снагу овог правилника престаје важење одредби члана од 15. до 19. Правилника о снабдијевању квалификованих купаца електричном енергијом и поступку промјене снабдјевача – Прочишћени текст ("Службене новине Федерације БиХ", број 30/23).

#### Члан 12.

(Ступање на снагу и примјена)

Овај правилник ступа на снагу осмог дана од дана објаве у "Службеним новинама Федерације БиХ".

Број 07-02-1-127-12/24  
15. марта 2024. године  
Мостар

В. д. предсједавајућег  
ФЕРК-а  
Јасмин Бешо, с. р.

Na osnovu člana 105. stav (2) Zakona o električnoj energiji Federacije Bosne i Hercegovine ("Службене новине Федерације БиХ", број 60/23), Regulatorna komisija za energiju u Federaciji Bosne i Hercegovine je, na VI redovnoj sjednici održanoj u Mostaru 15.3.2024. године, donijela

### PRAVILNIK O PROMJENI SNABDJEVAČA

#### ДИО ПРВИ – ОПШТЕ ОДРЕДБЕ

##### Члан 1.

(Предмет правилника)

Ovim pravilnikom Regulatorna komisija za energiju u Federaciji Bosne i Hercegovine (u daljem tekstu: FERK) propisuje:

- a) uslove za promjenu i postupak promjene snabdjevača,  
b) obaveze snabdjevača čiji ugovor o snabdijevanju prestaje,

- c) obaveze novog snabdjevača,
- d) obaveze operatora sistema u postupku promjene snabdjevača,
- e) rokove za postupanje učesnika u postupku promjene snabdjevača.

#### Član 2. (Cilj)

Cilj donošenja ovog pravilnika je stvaranje pretpostavki za efikasno funkcionisanje tržišta električne energije, zaštita krajnjih kupaca, te osiguranje ravnopravnih uslova za sve učesnike na tržištu električne energije.

#### Član 3. (Definicije)

Definicije koje se koriste u ovom pravilniku, uključujući i one iz Zakona o električnoj energiji Federacije Bosne i Hercegovine (u daljem tekstu: Zakon) i drugih pravila i propisa FERK-a, imaju sljedeće značenje:

- a) "Javno snabdijevanje" znači javnu uslugu snabdijevanja električnom energijom krajnjih kupaca iz kategorije domaćinstva, malih kupaca i krajnjih kupaca od posebnog društvenog značaja, pod uslovima propisanim Zakonom,
- b) "Javni snabdjevač" označava elektroenergetski subjekat koji snabdijeva električnom energijom male kupce, kupce iz kategorije domaćinstva i krajnje kupce od posebnog društvenog značaja, koji nisu odabrali snabdjevača na tržištu.
- c) "Novi snabdjevač" znači snabdjevača sa kojim kupac želi zaključiti ugovor o snabdijevanju električnom energijom na početku postupka za promjenu snabdjevača.
- d) "Operator sistema" označava operatora distributivnog sistema ili operatora prenosnog sistema.
- e) "Snabdjevač" znači pravno lice koje obavlja djelatnost snabdijevanja krajnjih kupaca električnom energijom.
- f) "Postojeći snabdjevač" znači snabdjevača koji snabdijeva krajnjeg kupca na početku postupka za promjenu snabdjevača.
- g) "Rezervni snabdjevač" znači snabdjevača koji ima obavezu krajnjeg kupca snabdijevati električnom energijom u slučaju kada ga odabrani snabdjevač prestane snabdijevati.
- h) "Rezervno snabdijevanje" znači javnu uslugu snabdijevanja električnom energijom krajnjih kupaca koji su pod određenim uslovima ostali bez snabdjevača pod uslovima propisanim Zakonom.

### **DIO DRUGI – POSTUPAK PROMJENE SNABDJEVAČA, USLOVI, OBAVEZE I ROKOVI**

#### Član 4.

(Opšta pravila i uslovi u postupku promjene snabdjevača)

- (1) Postupak promjene snabdjevača ne može trajati duže od 21 dan od dana prijema kompletnog zahtjeva kod novog snabdjevača.
- (2) Postupak promjene snabdjevača može se voditi istovremeno za dva ili više obračunskih mjernih mjesta krajnjeg kupca, pri čemu je u zahtjevu potrebno navesti svako pojedinačno obračunsko mjerno mjesto za koje se traži promjena snabdjevača.
- (3) Postupak promjene snabdjevača za jedno obračunsko mjerno mjesto u isto vrijeme se može voditi samo sa jednim snabdjevačem.
- (4) Promjena snabdjevača je besplatna za krajnjeg kupca.
- (5) Krajnji kupci imaju pravo dobiti konačan obračun nakon svake promjene snabdjevača u roku koji ne može biti duži od 15 dana od dana promjene snabdjevača.

#### Član 5.

(Postupak promjene snabdjevača na zahtjev krajnjeg kupca, obaveze i rokovi)

- (1) Krajnji kupac koji namjerava promijeniti snabdjevača, obavezan je novom snabdjevaču od koga se želi snabdijevati podnijeti zahtjev za promjenu snabdjevača u pisanoj formi na obrascu propisanom od strane snabdjevača.
- (2) Propisani obrazac pored ostalog, sadrži i sljedeće podatke:
  - a) naziv poslovnog subjekta, sjedište i identifikacioni broj za indirektnu poreze (PDV broj),
  - b) ime i prezime i prebivalište za fizička lica,
  - c) šifru mjernog mjesta i adresu krajnjeg kupca kako je to navedeno u bazi mjernih podataka,
  - d) odobrenu snagu na mjernom mjestu krajnjeg kupca,
  - e) datum podnošenja zahtjeva,
  - f) naziv postojećeg snabdjevača i rok važenja ugovora koji je krajnji kupac zaključio sa njim,
  - g) planirani početak primjene novog ugovora.
- (3) Uz propisani obrazac iz stava (2) ovog člana krajnji kupac dostavlja i izjavu, kojom ovlašćuje novog snabdjevača da preuzima potrebne radnje u cilju promjene snabdjevača.
- (4) Ako tokom trajanja postupka promjene snabdjevača do dana promjene snabdjevača nadležni operator sistema primi više zahtjeva različitih snabdjevača za isto mjerno mjesto, odnosno mjesta primopredaje istog krajnjeg kupca, postupak promjene snabdjevača pokrenut po kasnijem zahtjevu za promjenu snabdjevača se obustavlja. O obustavi postupka promjene snabdjevača nadležni operator sistema dužan je bez odgađanja obavijestiti krajnjeg kupca i novog snabdjevača po čijem zahtjevu je postupak obustavljen.
- (5) Odredbe stava (4) ovog člana ne odnose se na krajnje kupce za koje je nadležni operator sistema utvrdio da se mogu snabdijevati od više snabdjevača.
- (6) Nakon što novi snabdjevač primi obrazac za promjenu snabdjevača isti analizira njegovu potpunost te:
  - a) ukoliko ocijeni da je zahtjev nerazumljiv ili nepotpun u roku od četiri dana od dana prijema zahtjeva poziva krajnjeg kupca, da u roku od naredna četiri dana nedostatke otkloni,
  - b) ukoliko krajnji kupac ne postupi po pozivu u roku od četiri dana, obavještava krajnjeg kupca da nema uslova za promjenu snabdjevača.
- (7) Postupak promjene snabdjevača započinje danom prijema kompletnog zahtjeva kod novog snabdjevača.
- (8) Ukoliko je zahtjev za promjenom snabdjevača potpun, novi snabdjevač koga je izabrao krajnji kupac je obavezan nadležnom operatoru sistema podnijeti zahtjev za promjenu snabdjevača na propisanom obrascu u roku od četiri dana od dana primanja potpunog zahtjeva za promjenu snabdjevača.
- (9) Nadležni operator sistema je obavezan da u roku od četiri dana od prijema zahtjeva za promjenu snabdjevača provjeri usklađenost ugovora o korištenju mreže i pripadnosti balansnoj grupi, te obavijesti novog snabdjevača o potrebnim izmjenama u zahtjevu, ukoliko postoji neusklađenost sa ugovorom o korištenju mreže, a u slučaju da ne postoje neusklađenosti da izda potvrdu o usklađenosti i obavijesti postojećeg snabdjevača o pokretanju postupka promjene snabdjevača.
- (10) Novi snabdjevač nakon što primi obavještenje od nadležnog operatora sistema o nedostacima zahtjeva u roku od četiri dana obavezan je otkloniti iste, te dostaviti nadležnom operatoru sistema korigovane podatke.
- (11) Nakon što je novi snabdjevač otklonio nedostatke u zahtjevu za promjenu snabdjevača, nadležni operator sistema je obavezan u roku od četiri dana od dana primanja korigovanog zahtjeva da izda potvrdu o usklađenosti, te

- obavijesti postojećeg snabdjevača o pokretanju postupka promjene snabdjevača.
- (12) Nadležni operator sistema obavezan je nakon utvrđivanja da je dokumentacija vezana za promjenu snabdjevača potpuna, u roku od pet dana od dana izdavanja potvrde o usklađenosti, odnosno na dan očekivanog početka primjene novog ugovora definisanog u obrascu iz stava (2) ovoga člana, da očita brojila na obračunskom mjernom mjestu i očitane podatke dostavi postojećem snabdjevaču, novom snabdjevaču i krajnjem kupcu.
  - (13) Novi snabdjevač je obavezan da osigura usklađenost novog ugovora o snabdijevanju električnom energijom krajnjeg kupca sa ugovorima iz stava (9) ovog člana.
  - (14) Novi snabdjevač sa kojim je krajnji kupac zaključio novi ugovor o snabdijevanju odmah po zaključenju ugovora dostavlja podatke o zaključenom ugovoru (ugovorene količine, dinamika isporuke i rok važenja ugovora) nadležnom operatoru sistema, u skladu sa odredbama Opštih uslova za isporuku i snabdijevanje krajnjih kupaca električnom energijom, pravila o radu operatora sistema i Tržišnih pravila.
  - (15) Datum promjene snabdjevača i dan početka primjene novog ugovora o snabdijevanju mora biti dan očitavanja mjernog uređaja, odnosno očitano stanje brojila istovremeno predstavlja krajnje stanje prema postojećem snabdjevaču i početno stanje prema novom ugovoru o snabdijevanju električnom energijom.
  - (16) Sa danom promjene snabdjevača počinje da se primjenjuje ugovor o snabdijevanju električnom energijom koji je kupac zaključio sa novim snabdjevačem, a prestaje ugovor o snabdijevanju električnom energijom sa postojećim snabdjevačem.

#### Član 6.

(Osporavanje promjene snabdjevača, obaveze i rokovi)

- (1) Postojeći snabdjevač čiji ugovor o snabdijevanju električnom energijom prestaje da važi može osporiti prestanak važenja ugovora u skladu sa odredbama tog ugovora.
- (2) Postojeći snabdjevač čiji ugovor o snabdijevanju električnom energijom prestaje da važi ne može postavljati posebne dodatne uslove koji nisu obuhvaćeni ugovorom uključujući neplaćene obaveze i obavezan je da nastavi snabdijevanje krajnjeg kupca sve do okončanja postupka promjene snabdjevača, o čemu će ga obavijestiti nadležni operator sistema.
- (3) Postojeći snabdjevač, koji namjerava osporiti prestanak važenja ugovora, obavezan je u roku od četiri dana od dana prijema obavještenja od operatora sistema iz člana 5. stavovi (9) i (11) ovog pravilnika da podnese prigovor istom.
- (4) Odredba iz stava (2) ovog člana ne primjenjuje se u slučaju kada je postojeći snabdjevač prije prijema obavještenja o promjeni snabdjevača, podnio zahtjev nadležnom operatoru sistema da krajnjem kupcu obustavi isporuku električne energije zbog neplaćanja isporučene električne energije ili ako je krajnji kupac koji je uputio zahtjev za promjenu snabdjevača već isključen zbog neplaćanja isporučene električne energije.
- (5) Ukoliko je postojeći snabdjevač podnio zahtjev za obustavu isporuke električne energije prije zahtjeva o promjeni snabdjevača, nadležni operator sistema ne može odobriti zahtjev za promjenu snabdjevača i u tom slučaju nadležni operator sistema obavještava novog snabdjevača i krajnjeg kupca da nisu stvoreni uslovi za promjenu snabdjevača.
- (6) Ukoliko postojeći snabdjevač u roku navedenom u stavu (3) ovog člana ne uloži prigovor na promjenu snabdjevača, nadležni operator sistema je dužan da nastavi postupak i u roku od pet dana od dana izdavanja potvrde o usklađenosti u postupku promjene snabdjevača, da osigura mjerne podatke za obračunsko mjerno mjesto krajnjeg kupca.

- (7) Ukoliko postojeći snabdjevač u roku navedenom u stavu (3) ovog člana uloži prigovor na promjenu snabdjevača, nadležni operator sistema je dužan da obustavi postupak promjene snabdjevača do razrješenja podnesenog prigovora.

### DIO TREĆI – POSTUPAK PRELASKA KOD REZERVNOG SNABDJEVAČA, OBAVEZE I ROKOVI

#### Član 7.

(Obaveza postojećeg snabdjevača)

Postojeći snabdjevač ima obavezu bez odgađanja da obavijesti krajnje kupce, nadležnog operatora sistema, rezervnog snabdjevača i FERK o nastanku okolnosti, zbog kojih neće biti u mogućnosti snabdijevati krajnje kupce, a uslijed kojih krajnji kupci imaju pravo na rezervno snabdijevanje u skladu sa Zakonom.

#### Član 8.

(Rezervni snabdjevač u slučaju bankrota, stečajnog postupka ili likvidacije)

- (1) U slučaju bankrota, stečajnog postupka ili likvidacije postojećeg snabdjevača, nadležni operator sistema je obavezan da očita mjerne podatke na dan stupanja bankrota, stečaja ili likvidacije i dostavi ih krajnjem kupcu, postojećem i rezervnom snabdjevaču.
- (2) Dan očitavanja mjernih podataka smatra se i danom promjene snabdjevača.

#### Član 9.

(Rezervni snabdjevač u slučaju prestanka, poništenja ili oduzimanja dozvole postojećem snabdjevaču)

- (1) U slučaju prestanka važenja dozvole, poništenja ili oduzimanja dozvole postojećem snabdjevaču FERK o tome obavještava nadležnog operatora sistema i rezervnog snabdjevača, a nadležni operator sistema bez odgađanja o tome obavještava krajnje kupce.
- (2) FERK obavještenje iz stava (1) ovog člana u slučaju prestanka važenja dozvole, upućuje 15 dana prije prestanka važenja dozvole, a u slučaju poništenja ili oduzimanja dozvole najkasnije pet dana prije održavanja sjednice na kojoj će se razmatrati poništenje ili oduzimanje dozvole snabdjevaču.
- (3) Dan prestanka važenja dozvole, odnosno dan donošenja rješenja FERK-a o poništenju ili oduzimanju dozvole smatra se danom promjene snabdjevača.
- (4) Nadležni operator sistema je na dan iz stava (3) ovog člana, obavezan da očita mjerne podatke i dostavi ih krajnjem kupcu, postojećem i rezervnom snabdjevaču.

#### Član 10.

(Rezervni snabdjevač u slučaju nezaključenja ugovora između krajnjeg kupca i snabdjevača ili jednostranog raskida ugovora od snabdjevača)

- (1) U slučaju da krajnji kupac nije zaključio ugovor sa snabdjevačem ili je snabdjevač jednostrano raskinuo ugovor o snabdijevanju krajnjem kupcu, a ne radi se prestanku prethodnog ugovora kao posljedici neizvršavanja obaveze plaćanja od krajnjeg kupca, rezervni snabdjevač zaključuje sa krajnjim kupcem ugovor o snabdijevanju električnom energijom, koji se primjenjuje od dana promjene snabdjevača.
- (2) O zaključenju ugovora iz stava (1) ovog člana, rezervni snabdjevač obavještava bez odgađanja nadležnog operatora sistema.
- (3) Naredni dan od dana prestanka postojećeg ugovora o snabdijevanju električnom energijom, smatra se danom promjene snabdjevača.

- (4) Danom promjene snabdjevača nadležni operator sistema je obavezan da očita mjerne podatke i dostavi ih krajnjem kupcu, postojećem snabdjevaču i rezervnom snabdjevaču.

## DIO ČETVRTI – PRELAZNE I ZAVRŠNE ODREDBE

### Član 11.

(Prestanak važenja odredbi Pravilnika o snabdijevanju kvalifikovanih kupaca električnom energijom i postupku promjene snabdjevača – Pročišćeni tekst)

Stupanjem na snagu ovog pravilnika prestaje važenje odredbi člana od 15. do 19. Pravilnika o snabdijevanju kvalifikovanih kupaca električnom energijom i postupku promjene snabdjevača – Pročišćeni tekst ("Službene novine Federacije BiH", broj 30/23).

### Član 12.

(Stupanje na snagu i primjena)

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 07-02-1-127-12/24  
15. marta 2024. godine  
Mostar

V. d. predsjedavajućeg  
FERK-a  
Jasmin Bešo, s. r.

(SI-402/24-F)

469

Na temelju članka 59. stavak (8) Zakona o korištenju obnovljivih izvora energije i učinkovite kogeneracije ("Službene novine Federacije BiH", broj 82/23), Regulatorna komisija za energiju u Federaciji Bosne i Hercegovine je, na VI. redovitoj sjednici održanoj u Mostaru 15.3.2024. godine, donijela

## PRAVILNIK O OBVEZONOM UDJELU I PREUZIMANJU ELEKTRIČNE ENERGIJE PROIZVEDENE IZ OBNOVLJIVIH IZVORA ENERGIJE

### Članak 1.

(Predmet)

Pravilnikom o obveznom udjelu i preuzimanju električne energije proizvedene iz obnovljivih izvora energije Regulatorna komisija za energiju u Federaciji Bosne i Hercegovine (u daljnjem tekstu: FERK) propisuje:

- način izračunavanja minimalnih količina električne energije proizvedene iz obnovljivih izvora energije (u daljnjem tekstu: OIE) sa kojima Operator za obnovljive izvore energije i učinkovitu kogeneraciju (u daljnjem tekstu: Operator za OIEiEK) ima zaključen ugovor o otkupu,
- procedure preuzimanja minimalnih količina električne energije proizvedene u postrojenjima iz obnovljivih izvora energije i učinkovite kogeneracije (u daljnjem tekstu: OIEiUK) svih opskrbljivača,
- procedure svih opskrbljivača koji opskrbljuju krajnje kupce u Federaciji Bosne i Hercegovine (u daljnjem tekstu: FBiH) da otkupljuju proizvedenu električnu energiju od proizvođača iz OIE sa kojima Operator za OIEiEK ima zaključen ugovor o otkupu.

### Članak 2.

(Cilj)

Cilj pravilnika je propisivanje obveza, načina i procedura preuzimanja električne energije proizvedene u postrojenjima koji koriste OIE od kojih Operator za OIEiEK vrši otkup električne energije za sve opskrbljivače koji opskrbljuju krajnje kupce u FBiH.

### Članak 3.

(Značenje pojmova)

Pojmovi koji se koriste u ovom pravilniku imaju značenja utvrđena Zakonom o energiji i regulaciji energetske djelatnosti u Federaciji Bosne i Hercegovine ("Službene novine Federacije BiH", broj 60/23), Zakonom o električnoj energiji Federacije Bosne i Hercegovine ("Službene novine Federacije BiH", broj 60/23) i Zakonom o korištenju obnovljivih izvora energije i učinkovite kogeneracije ("Službene novine Federacije BiH", broj 82/23), te pravilima i propisima FERK-a donesenim na temelju tih zakona.

### Članak 4.

(Obveza preuzimanja)

Svi opskrbljivači koji opskrbljuju krajnje kupce u FBiH obvezni su preuzeti pripadajući dio električne energije proizvedene korištenjem OIE do uspostave organiziranog tržišta električne energije za dan unaprijed sukladno Zakonu o korištenju obnovljivih izvora energije i učinkovite kogeneracije i ovom pravilniku.

### Članak 5.

(Utvrđivanje postotka obveznog udjela)

- Postotak obveznog udjela se utvrđuje kako bi opskrbljivači mogli planirati sredstva za nabavu propisanih količina električne energije iz OIE.
- Postotak obveznog udjela električne energije proizvedene iz OIE koji preuzimaju opskrbljivači utvrđuje FERK do 15. prosinca tekuće godine za narednu godinu, na temelju planskog dokumenta za energiju i klimu FBiH, Bilance električne energije FBiH, odnosno podataka prikupljenih na temelju FERK-ovog Pravilnika o izvještavanju o planiranoj potrošnji električne energije krajnjih kupaca i planiranoj proizvodnji električne energije proizvedene u postrojenjima koja koriste OIE od kojih Operator za OIEiEK vrši otkup električne energije, prema formuli:

$$P_{ou} = \frac{PPR_{KP}}{PPO_{KK}}$$

gdje je:

$P_{ou}$  – postotak obveznog udjela preuzimanja električne energije proizvedene iz OIE,

$PPR_{KP}$  – planirana godišnja proizvodnja električne energije proizvedene u postrojenjima koja koriste OIE iz kojih Operator za OIEiEK vrši otkup električne energije,

$PPO_{KK}$  – planirana godišnja potrošnja električne energije krajnjih kupaca u FBiH.

### Članak 6.

(Obračun količina i procedure preuzimanja električne energije proizvedene iz OIE)

- Obračun pripadajućeg dijela električne energije proizvedene iz OIE koju će na mjesečnoj razini preuzimati opskrbljivači vrši Operator za OIEiEK na temelju planirane proizvodnje električne energije proizvedene iz OIE koju otkupljuje Operator za OIEiEK u m-tom mjesecu, planirane potrošnje električne energije krajnjih kupaca koje pojedini opskrbljivač opskrbljuje u m-tom mjesecu i ukupno planirane potrošnje električne energije svih krajnjih kupaca u FBiH u m-tom mjesecu.
- Koeficijent raspodjele u m-tom mjesecu se računa prema formuli:

$$K_m = \frac{PPO_{KKm}}{UPPO_{KKm}}$$

gdje je:

$K_m$  – koeficijent raspodjele m-tog mjeseca,

$PPO_{KKm}$  – planirana potrošnja električne energije krajnjih kupaca pojedinog opskrbljivača u m-tom mjesecu,